

玉海

辭學指南

五十七

玉海卷第一百六十四

浚儀王應麟伯厚甫

宮室

樓

初學記公玉帶上黃帝明堂圖為複道上有樓從西南入蓋樓之始也其後魏有麗譙越有飛翼漢有井幹

黃帝五城十二樓 迎年

漢郊祀志太初三年東巡海上考神仙之屬未有驗者方士有言黃帝時為五城十二樓崑崙崑崙五城

百十九

玉海卷一百六十四

三三

所以候神人于執期地名名曰迎年上許作之如方名

曰明年言明其得也上親禮祠上犢黃焉 十洲記崑崙

崑崙山有十二玉樓

周候樓

司市思次注鄭司農云次市中候樓也又見候館

陸機洛陽記洛陽城周公所制城上百步有一樓櫓

上林賦見後

孟子之滕館於上宮注上宮樓也

墨子城備三十步置坐候樓出堞四尺百步一大樓

樓前面九尺二百步一立樓去城中二丈五尺

越飛翼樓

吳越春秋范蠡為句踐立以象天門為兩繆繞棟以象龍角

魏麗譙

莊子徐無鬼見魏武侯曰無盛鶴列於麗譙之間注鶴列陳兵也麗譙高樓也譙亦作譙譙謂華麗而

漢井幹樓

詳見建章宮郊祀志注在建章宮中高五十丈積

木而高為樓若井幹音寒之形也井幹井上木欄也其

形或四角或八角張衡西京賦云井幹疊而百

都賦攀井幹而未半日昃轉而意迷史記正義幹

司馬彪云井欄也關中記云宮北有井幹臺高五十

丈積木為樓言築累方木轉於交架如幹

漢正女樓

見建章宮

甘延壽傳超踰羽林亭樓趙充國傳為漸壘木樵

校聯不絕注師古曰樵與譙同謂為高樓以望敵也

上林賦泰山為櫓郭璞曰櫓望樓也東觀記光

武至廣阿止城門樓上披輿地圖

魏層樓

樓

水經注藉水即洋水也。比西北角築之，謂之金墉城。魏文帝起層樓於東北隅，晉宮閣名曰金墉。有崇天堂，即此地上架水為榭，故曰樓南曰乾光門，夾建兩觀。觀下列朱桁於塹，以為御路。東曰含春門，北有退門。城上西面列觀五十步，一睥睨屋臺，置一鍾以和漏。鼓洛陽記云：陵雲臺西有金市，金市北對洛陽壘。又東歷大夏門，下故夏門也。陸機云：門有三層，高百尺。魏明帝造門內，東側際城有魏文帝所起景陽山，餘基尚存。

吳疑城假樓

海卷百六十四

魏志黃初五年吳黃武三年八月，魏主御龍舟至廣陵。吳安東將軍徐盛列舟艦于江，植木衣葦為疑城。假樓自石頭至江，乘聯縣數百里。一夕而就。時江水盛長，魏王臨望，歎曰：雖有武騎千群，無所用也。未可圖也。

吳落星樓

吳都賦饗戎旅，平落星之樓。置酒若淮，泗積肴若山丘。金陵地記吳嘉禾元年，於桂林苑落星山起三重樓，名曰落星樓。吳紀吳有白雀樓。

晉鳳皇樓

翔鳳樓

儀鳳樓

晉宮閣名洛陽有鳳皇樓，總章觀，儀鳳樓。在觀上，廣

望觀之南又別有翔鳳樓又有慶雲樓伺星樓

宋慶雲樓 連理堂 嘉禾殿

南史孝武大明元年五月丙寅芳香琴堂雙橘連理改為連理堂景陽樓上梁拱間有紫氣改曰慶雲樓清景殿西薨生嘉禾一株五莖改嘉禾殿

後周長孫儉為荊州刺史吏民請為儉建清德樓立碑頌德詔許之

南齊却敵樓

百官志宮城諸却敵樓上本施鼓持夜者以應更唱太祖以鼓多驚眠改以鐵磬 武帝登烽火樓詔群

二百一五

上海卷一百六四

臣賦詩

漢趙充國奏曰今留步士萬人屯田地執平易多高山遠望之便部曲相保為塹壘木樵校聯不絕便兵弩筋鬪具遠火幸通執及并力以逸待勞兵之利者也

梁北顧樓 晉北固樓

梁史武帝大同十年三月己酉幸京口城北固樓更名北顧初京城之西有別嶺入江高數十丈三面臨水號曰北固經水蔡謨起樓其上以置軍實頂有小亭梁南徐州刺史正義廣其路傍施欄楯上登望久

樓

之。武帝有登北顧樓詩。柳惲和武帝登景陽樓

篇。文選謝靈運從游京口北固應詔詩。庾亮傳

登武昌南樓

唐丹霄樓 丹霄殿

魏證傳太宗宴丹霄樓正觀六年閏八月乙卯長孫

無忌魏證王珪等侍酒中謂長孫無忌曰魏證王珪

事隱太子巢刺王時誠可惡我能棄怨用才無羞古

人然每諫我不從輒不應何哉證曰事有不可故諫

若不從輒應恐遂行之帝曰第別陳論顧不得耶證

曰若面從別論非稷卨所以事堯舜因言舜戒群臣

汝無面從退有後言之義帝大笑曰人言證舉動疏

漫我但見其嫵媚耳通監正觀六年七月辛未宴

三品以上於丹霄殿上曰四海乂安皆公卿之力勿

矜強盛以自滿閏月乙卯宴近臣於丹霄殿成在九

孫無忌曰云云此閏八月也會要永徽五年秋九

月乙亥高宗御丹霄樓觀三品以上行大射禮

唐順天樓

太極宮南即承天門李靖傳擒頡利太宗告俘于

太廟御順天樓陳仗衛士民縱觀

唐安福樓 鍾鼓樓 應天樓

孫樵讀開元雜報云某日百寮行大射禮於安福樓
南高宗永徽三年二月甲寅御安福門樓觀百戲
乙卯謂侍臣曰昨登樓欲觀人情風俗元宗開元
二十二年閏十一月壬午朔長至日食癸未御應天
樓受朝賀會要大和二年八月敕脩安福樓開
元二十一年賜射於安福樓下六典皇城西面二
門北曰安福嚴挺之傳先天二年正月睿宗上御
安福樓門觀樂挺之諫白敏中傳為邠寧節度宣
宗御安福樓以餞儀衛志朝日百官班于殿庭左
右偕使二人分位于鍾鼓樓下

卷之三

卷之六十四

中五

唐神武制勝樓

舊紀神龍三年八月丙子改元武門為神武門樓為
制勝樓會要神龍三年八月二十一日改為神武
制勝樓

唐勤政樓

花萼樓

並詳見興慶宮

六典興慶宮在皇城之東南東北外郭城東垣即明
皇潛龍舊宅開元初以為離宮宮之南曰通陽門西
曰花萼樓樓之西即寧玉故第蓋取詩人常棣之義
讓皇帝傳初睿宗五子列第東都號五王子宅及賜
第上都隆慶坊亦號五王子宅元宗為太子常置大

樓

衾長枕將與諸王共之。睿宗知之喜甚。先天後開元

九盡以隆慶舊邸為興慶宮。而賜寧王薛王第於勝

業坊。申歧二王居興安坊。環列宮側。天子於宮西南

置樓。西曰花萼相輝之樓。南曰勤政務本之樓。一作開

元一年七月於是宮置樓。韋述東京記開元八年造二樓。帝時時登之。聞諸王

作樂。必召升樓。與同榻坐。或就幸第。賦詩燕嬉。賜金

帛。侑歡。諸王五日朝。側門既歸。則具樂。縱飲擊毬。鬪

鷄。馳鷹犬為樂。如是歲月不絕。世謂天子友悌。古無

有者。帝於友睦。蓋天性。十六年正月庚申。御興慶宮

樓。宴群臣。會要二十五元宗戒諸王曰。吾奉先帝

宮。空不敢有加。興慶創制。所以表休徵之地。謂宮側

龍祥也。新作南樓。本欲採風謠。察忙俗。是亦闢四門達

四聰之意。時有宴樂。不徒然也。又因大哥。晦遜。朱邸

以成花萼相輝之美。歷觀自古聖王。有所興作。所以

助教化也。吾所異者。式崇教化。漸漬薄俗。令其人信

厚爾。二十年六月。一本作天寶十三年六月。此是出處不同。

非廣花萼樓。築夾城。入芙蓉園。十二月三日。毀東市

西北角。道政坊西北角。以廣花萼樓。二十八年八月

己未。誕日宴花萼。天寶二載帝御花萼樓。覆實選人

判入等。人中纔十一二。突厥傳。天寶四載。殺白眉可

樓

汗以獻毗伽可汗妻率眾自歸天子御花萼樓宴群臣賦詩美其事紀天寶十三載五月壬戌觀酺勤政妻比廷都護程千里俘阿布思以獻選憲十月一日徒勤政樓試四科舉人楊綰及第策外更試詩賦各一道制舉試詩賦自此始進登科記開元十三年樂志元宗教舞馬百匹舞於勤政樓下後賜宴設酺亦會勤政樓高仙芝傳安祿山反榮王為元帥仙芝副之元宗御勤政樓引榮王受命宴仙芝以下哥舒翰傅守潼關御勤政樓臨送元宗大陳樂勤政樓盧絢按轡絕道去帝美其有緼藉五行志肅宗乾元二

海卷百六十四

年十月詔百官上勤政樓觀安西兵赴陝州寶錄穆宗元和十三年八月乙亥御勤政樓問人疾苦會要元和十四年三月詔左右軍容各以官健三千修勤政樓四年乙卯御閣陳雜樂大和三生十月脩勤政樓明光樓舊史明皇八月五日生因名其日為千秋節燕百寮於樓下觀舞傾盃開元二十五年正月己丑以望日宴群臣八月丁未千秋節宴群臣二十年正月壬寅望日御樓宴群臣天寶元年正月丁未朔御樓受朝賀改元四載三月甲申宴群臣七載五月壬午御樓大赦十三載三月壬戌御樓大酺十

四載三月景寅宴群臣奏九部樂上賦詩效栢梁體
八月辛卯宴群臣並於勤政樓開元十七年八月癸

亥以誕日張樂燕百寮於花萼樓下十八年四月丁

卯侍臣宴于春明門外寧王憲之園池上御樓邀其

回騎八月丁亥千秋節百官獻賀上御樓賦八韻詩

又制秋景詩二十八年正月壬寅望日宴天寶元年

九月辛亥御樓宴突厥降者吐可汗妻十月庚辰

宴蕃客並於花萼樓李庾西都賦對里開街帝宅

王家青門列檻常棣分華勤政外名花萼分題屹雲

中而佩鳳杳天外而舒蜺家人齒筵愉愉濟濟此王

者示悌也又見後

高蓋花萼樓賦開元中築長安東郭起樓瞰於外銀

榜天題金扉御闕望馳道而通禁林走建章而抵長

樂攢畫拱以交映列綺牕以相薄金鋪珠綴飛梁迴

遶於虹光藻井倒垂平蓮萼王諲賦朝有土階之

約宮靡瑤臺之奢飾舊館而納景建飛觀而臨霞非

徒擬花萼之麗蓋取諸棠棣之華歸梁園於上苑通

代邸於平樂于城之陬建此飛樓橫灑迤而十丈上

峻增而三休仰接天漢俯瞰皇州榜題仲將之手頌

登文考之賦宮闕超遙其若浮陶舉賦睦親親以

海卷百十四

相及樂鞞鞞以同華。敬括賦羅綵仗。駐鳴騶開繡
戶之銀鑲。卷珠簾之玉鈎。奉常陳百戲之樂。大官進
千鍾之酒。虹梁蚴蟉而霞艷。皓壁晶晃而月素。張
甫賦陰移翠仗。日上金題。欽其號則知昆弟之相穆。
見其儀則知君臣之有序。

唐丹鳳樓

舊紀開元九年九月丁巳。御丹鳳樓宴突厥首領至。
德二載十一月壬申。御丹鳳樓下詔。十二月戊午。赦
天下。又見後。元和元年正月丁卯。御丹鳳樓大赦。改
元。二年正月辛卯。郊祀。御丹鳳樓大赦。三年正月癸

巳十四年七月己丑。冊號十三年正月乙酉。朔受朝。

十五年二月丁丑。穆宗即位。並御樓大赦。長慶元年
正月辛丑。郊祀。改元。七月己酉。冊號大和元年。正月
乙巳。改元。會昌元年正月庚戌。大中元年正月戊申。
享圓丘。並御丹鳳樓大赦。會要正元九年十一月
乙酉。日南至。上郊祀禮畢。御丹鳳樓大赦天下。通
典開元十八年。蘇祿使至京師。上御丹鳳樓設宴。時
突厥使同宴。爭長。

開元七年三月壬子。御丹鳳樓宴九姓。同羅契丹各
賜物。八年十一月己巳。宴九姓。蕃安等。九年四月

辰宴王賔郭知運等皆御丹鳳樓。含元殿賦其南則丹鳳啓途遐矚荆吳十扇開閉陰陽睚眦容鼎七高方駕五車示王者之無外不植屏於清都。

唐廣達樓東都萬歲樓

三君奕傳開元十四年君奕破吐蕃奏凱還元宗宴

君奕及妻夏於廣達樓賜金帛夏亦自以戰力封武

感郡夫人**寶錄**開元二十四年八月壬子千秋節

御廣達樓宴群臣奏九部樂內出舞人繩伎頒賜右

宅**文苑英華**李濯廣達樓賦建崇樓於閣下聳飛閣

於城隅德陽傍倚少室前瞻讓皇帝傳元宗按舞

卷下元宗

萬歲樓從複道見衛士弃食帝怒詔殺之憲從容曰豈以性命輕於餘殮乎

唐五鳳樓東都

通鑑開元二十三年正月乙亥上耕藉田都城酺三

日上御五鳳樓酺宴元德秀傳為魯山令元宗在

東都酺五鳳樓下命三百里內縣令刺史各以聲樂

集且第勝負加賞黜河內太守輦倡伎數百被錦繡

瓌譎光麗德秀惟樂工數十人聯袂歌于薦于薦者

德秀所為歌也帝聞異之嘆曰賢人之言哉謂宰相

曰河內人其塗炭乎乃黜太守德秀益知名

唐觀風樓

會要華清宮天寶八載新作觀風樓舊紀四月作十載十一月丙午冬至十三載正月丁酉朔御觀風樓受朝賀。

唐鬱儀結鄰樓

長安志在東內大明宮李肇韋執誼所記書為結麟恐誤麟德殿東廊有鬱儀樓西廊有結鄰樓學士院一海卷百六十四即在西樓重廊之外六典作鬱儀結鄰閣七聖

紀曰鬱儀一作赤文與日同居結鄰一作麟黃文與月

同居鬱華曰精結鄰月精也黃庭經曰鬱儀結鄰梁

丘子注曰鬱儀奔日之仙結鄰奔月之仙亦見登真隱訣九真中經。

唐結綺樓

見三殿

唐弘文館書樓

見後

唐長慶樓詳見興慶宮

上皇居興慶宮每置酒長慶樓南俯大道裴回觀覽父老過之皆拜舞而去。

唐金明樓 明光樓

肅宗乾元元年八月甲辰上皇誕日於金明樓在興
宴百官賜綵五百匹冊府元龜元和三年十月脩
南內殿十三間墻舍共一千六百間及勤政樓明光
樓會要同

唐望春樓

在禁苑東南高原之上德宗紀建中二年二月丁
巳發兵屯關中誓師于望春樓陽惠元傳為京西
神策兵馬使鎮奉天德宗初立稍繩諸節度跋扈者
於是李正己屯曹州田悅增河上兵河南大擾詔惠
元移兵萬二千戍關東御望春樓誓師因勞遣諸將

上海卷百六十四

不見廣運潭

姚南仲傳王者必據高明燭幽隱先
皇所以因龍首而建望春也元宗時葺堅澗池於望

春樓以聚舟帝升樓觀賜名廣運潭郎子儀傳乾元

元年七月破賊河上執安守忠以獻遂朝京師百寮

班迎帝御望春樓待之

劉憲和春幸望春宮詩有商山積翠澹水浮光之句

即望春亭也舊紀多云望春宮其東正臨澹水

唐延喜樓又見門闕類

會要正元四年十月二十五日戶部侍郎班宏脩延

喜樓築夾城五年正月十九日宏又脩元武樓八年

正月新作元武門及庶會鞠場宣宗事見下

唐望仙樓

會要正元十三年八月六日戶部尚書裴延齡奉敕

修望仙樓十三日又築望仙樓東夾城元龜云十月二

望仙樓及廣夾城及十樓六五宅會昌元年六月修望仙樓及廊舍共

五百三十九間武宗紀會昌五年六月甲申作望

仙樓于神策軍仙觀作望

連昌宮辭上皇正在望仙樓

大明宮東曰望仙門舍元殿賦望仙闕於巽維

唐晨輝樓 紫雲樓

唐書卷百六十四

史元和二年六月景子詔左神策軍新築夾

城置元化門晨輝樓舊紀云十五年穆宗幸晨輝樓

觀角括戲大和九年七月庚戌敕造紫雲樓彩霞亭

於曲江芙蓉園北垣九月內出新造紫雲樓彩霞亭

額以鼓吹迎於銀臺門左右軍奏修曲江樓畢進圖

一軸十月詔左右軍各一千五百人建紫雲樓十二

月甲申罷修曲江亭館以甲申上文宗

嘗咏杜甫曲江詞有宮殿千門語意天寶時環江有

觀榭臺室會鄭注云秦雍災當興役厭之九年即

語兩神策治曲江昆明池二月詔脩葺曲江除五百

人修

寶錄

元和二年七月丁亥御晨觀樓神策神

威六軍内外教坊大合樂 康駢劉談錄曰曲江池

本秦時隄州唐開元中疏鑿為勝境南即紫雲樓芙蓉

苑西即杏園慈恩寺

唐興安樓

大明宮西門 憲宗御興安樓受俘元和元年俘劉

闢二年俘李錡十五年受吳元濟俘十四年李師道

俘 文宗大和三年受滄州俘 武宗會昌四年受

劉稹俘

唐拾翠樓

三海卷百六十四

十五

京記大福殿重樓連閣懸亘西殿有走馬樓南北

長百餘步樓下即九仙門西入苑拾翠樓在大福殿

東北

唐浴日樓

韋述兩京新記上陽宮有麗青臺浴日樓

唐春明樓

韋肇駕幸春明樓試武藝始倫賦

唐籌邊樓 山川險要圖

李德裕傳文宗大和中四年十月戊申自兵部侍郎

為劔南西川節度蜀自南詔入寇敗杜元穎而郭釗

樓

代之病不能事民失職無聊李德裕至則完殘奮法
皆有條次成都既南失姚協西亡維松由清溪下沫
水而左盡爲蠻有始韋臯招來南詔復雋州傾內資
結蠻好示以戰陣文法德裕以臯啓戎資盜養成癰
疽第未決耳至元穎時遇隙而發故長驅深入蹂躪
千里蕩無孑遺今癩疾尚新非痛矯革不能刷一方
耻乃建營邊樓孔明有按南道山川險要與蠻相入
者圖之左西道與吐蕃接者圖之右其部落衆寡饋
餉遠邇曲折咸具乃詔習邊事者與之指畫商訂凡
之之情偽盡知之又料舊僚與州兵之任戰者廢遣

海卷百六十四

十一

老十三四士無敢怨又請甲人於安定弓人河中
弩人浙西由是蜀之器皆犀銳率戶二百取一人使
使習戰貧勿事緩則農急則戰謂之雄邊子弟其精
兵曰南燕保義保惠兩河慕義左右連弩騎士曰飛
星鷲擊奇鋒流電霆聲突騎揔十一軍築拔義城以
制大度清溪關之阻作禦侮城以控榮經犄角勢作
柔遠城以阨西山吐蕃復邛崃關徙雋州治臺登以
奪蠻險於是二邊寢懼南詔請還所俘略四千入吐
蕃維州將悉怛謀以城降初廣德建甲間吐蕃再
飲馬岷江常以南詔爲先鋒操倍常之戰且戰且進

蜀兵折刃吞鏃不能斃一戎戎入日深蜀人語曰西戎尚可南蠻殘我至韋臯擊青溪道以和群蠻使道蜀入貢擇子弟習書筭成都業成而去習知山川要害文宗時大入成都自越巂以北八百里民畜為空自是群蠻常有吞蜀之心

唐親親樓

舊紀宣宗大中元年七月脩百福殿成名曰雍和樓曰親親以會諸王子孫通監大中元年八月作雍和殿於十六宅數臨幸置酒作樂

唐殿武樓

大中二年正月敕脩右銀臺門樓屋宇及南面城隍至殿武樓

唐延喜樓

又見前

宣宗大中三年八月己丑既復河湟河隴高年千餘見闕下天子為御延喜樓賜冠帶

唐明義樓

會要大中五年詔脩明義樓在興慶宮

乾德紫雲樓

明道昇平樓

會要廣政殿後有玉華殿東有紫雲樓明道元年十月改曰昇平樓宮中觀宴之所乾德四年八月辛

丑九日召宰臣以下翰林學士竇儀知制誥王祐等宴紫雲樓下論及民間事謂趙普等曰下愚之民雖不分菽麥如藩侯不為撫養務行苛虐朕斷不容之普等曰陛下愛民如此堯舜之用心也由弼曰斯言

動皆以民政為務致太平之本也是年五月庚寅

十七日親試制舉人于紫雲樓下賜酒食遣之是日

與學士陶穀論前代帝王得失曰晡乃罷樓在廣政殿之後玉華殿之東每大宴則宮中登而觀焉廣政後改集英西京含光殿東廊後亦有紫雲樓正

前月日月樓日月華門

寶五鳳樓

開寶八年十月丁巳修西京宮室九年四月三日庚子合祭圓丘御五鳳樓肆赦制云御鳳閣揭雞竿

西京大內正南門曰五鳳樓國初建名景德四年二月十七日御五鳳樓觀醮祥符四年三月丁亥

祀汾陰回駐蹕將賜醮有司請改五鳳樓名上曰六

祖建樓因瑞應建名不可更也已丑上御五鳳樓觀醮三日梁周翰有五鳳樓賦乃東京也

太平興國丹鳳樓 端拱樓

興國三年十一月乙未親享太廟丙申合祭南郊御

丹鳳樓大赦受冊尊號於乾元殿始表太祖升仙
直王操獻南郊頌先是七月庚戌改明德門為丹鳳
五年五月丁卯作端拱樓

咸平太清樓

建隆三年五月戊午重脩東京大內崇政殿西北
陽門內有後苑苑有太清樓走馬樓與延春儀鳳翔
鸞閣相接貯四庫書樓下設六閣經史子集天文圖
畫咸平三年閏三月甲午詔三館寫四部書一本來
上當置禁中太清樓以便觀覽 景德元年三月丁

酉

未簡上校勘所寫御書二萬四千一百

卷

十一

四年三月乙亥曲宴後苑又登太清樓

觀太宗聖製御書及新寫四庫群書遂宴太清樓下
上執目錄令黃門舉書示之總太宗御製及故事墨
迹三百七十五卷文章九十二卷經庫二千九百一
十五卷史庫七千三百四十五卷子庫一千五百七
十一卷上曰惟以正經史屢經校定者小諒他書不
預甲寅射於樓下 大中祥符二年正月七日賜射
太清樓下七年三月癸巳登太清樓觀書十月丙寅
射于太清樓下作詩賜宗室 天禧二年十一月十
三日壬未召近臣觀書太清樓 天聖二年八月十

三日宴宗室太清樓三年三月癸卯四年四月
五年三月辛亥六年三月七年閏二月戊午八年三
月宴射太清樓九年三月十七日甲子宴從臣太清
樓九年閏十月戊辰召近臣觀書太清樓太子少
保晁迥預景祐二年六月辛未十月戊午宴太
樓三年十月戊申幸後苑宴太清樓宋元二年十
一月六日癸巳以皇子生宴輔臣宗室太清樓讀三
朝寶訓賜御書又出寶元天人祥異書示輔臣慶
曆四年九月丁亥宴宗室太清樓射于苑中五年九
月丁亥宴宗室太清樓命賦詩六年九月

卷百六十四

嘉祐六年三月戊申
宴太清樓出御詩一首命從臣和太清樓藏太宗
御製及墨跡石本九百三十四卷軸四部群書三萬
三千七百二十五卷其後群書增及一萬一千二百
九十三卷太宗御集御書又七百五十三
四年三月己亥

西京天福殿之次有樓後唐曰絳霄太平興國三年
改爲太清樓寢殿曰太清

咸平屬籍樓

咸平二年正月甲申建屬籍樓藏宗籍

祥符初鑿重慶樓 升中延福樓

均慶樓

祥符元年十月丁巳名宛州府門樓曰延慶重慶

一月己未御樓觀醮癸亥次鄆州乙丑次定州臣于計

中延福樓賜醮丁卯賜名己巳次濮州宴從臣

于告成均慶樓四年二月乙丑二日駐河內御樓

觀醮賜名駐蹕宣恩詔三月二十六日駐鄭州醮

宴先是己丑名構曰回鑿慶賜壬辰尋罷宴乙亥祠

次陝州御南門樓宴從臣七年正月己酉名南京正

均慶庚戌御奉元

海卷百六

宴父老丙辰御重熙頒宴樓觀醮

祥符薰風樓

河中府市中樓唐廣明中王重榮誓衆于此名為克

復祥符四年二月上幸河中曰克復一時事不若因

舜都為號丁卯乃賜名薰風樓命陳堯咨甲子

次河中府幸紫極宮還召從臣登逍遙樓唐帝

右又登白樓觀令狐楚登白樓賦正祐上作

遙樓詩賜從臣

熙寧寶津樓

熙寧三年四月三日幸金明池觀水嬉移幸瓊林

登寶津樓宴從臣教坊作樂

宋朝聚遠樓

德壽宮太上名曰聚遠自題額大書詩賦詩於

歷代樓名

前漢

開襟 井幹

六朝

鳳凰 入漢 落星 北顧 青雲 朝日

夕月 景雲 景陽 麗日

漢書卷百六

北齊

逍遙 披雲 鸚鵡 鷲 萬歲

元武

隋

朝日 明月 乘雲 照日

唐

花萼相輝 勤政務本 明光 明光

觀風 制勝 延喜 元武 望八 晨暉

安福 紫雲 親親 觀武

廣

五代

元武

三十六國

凌霄



不每卷第一丁六十四

4211

凌霄

三十六國

元武

五代

玉海卷第一百六十五

凌儀王應麟伯厚訂

宮室



館

周禮注候館樓可以觀望者也說文館客舍也

黃帝大庭館

列子黃帝即位十有五年云云退而間居之館

齋心服形

商陽官

見明道

后候

詳見邸驛

地官遺人凡賓客會同師役葺其道路之委積十里一廬三十里有宿宿有路室二十里有市亦有候館候館有積注宿可止宿若今亭有室候館樓可以觀望者委人凡四方之賓客館焉秋官環人掌其迎賓客舍則授館小行人眠館司儀致館國語周之秩官有之曰敵國賓至候人為導卿出亦勞司里授館

漢馮氏館

郊祀志武帝即位六年云云明年召文學之士明自

上初至雍郊見五時上求神君舍之上林中礪氏館

史記云起相梁氏觀武帝故紀元光二年冬十月行

幸雍祠在川時舍神君上林賦靈園燕於間館封

神書鬼神接靈園賓于間館注謂神君

漢飛廉館 桂館 益壽延壽館 丕樂

館下見延壽觀

武紀元封二年春幸緱氏遂至東萊夏四月深祠秦

山至瓠子臨決河還作甘泉通天臺長安飛廉館注

應劭曰飛廉神禽能致風氣者也明帝永平五年至

長安近取飛廉銅馬置上西外名樂館甘泉

悉銷以為錢晉巨身似鹿頭女爵有角而蛇尾文

如豹文郊祀志元鼎六年冬公孫卿候神河

南言見僊人迹緱氏城十月天子親幸緱氏元封二

年春公孫卿言見神東萊山若云欲見天子於是

幸緱氏城拜卿為中大夫遂至東萊無所見見大人

迹云公孫卿曰僊人可見上常往處以故不見今陛

下可為館如緱氏城置脯棗神人宜可致且僊人好

樓居於是上令長安作飛廉桂館二館名史記甘

泉則作益壽延壽館亦二館名武故事云作益延壽觀

鵠三十八丈一括通地志曰在雍州雲陽使卿持節設具

而候神人乃作通天臺置祠具其下將招徠神僊之屬
西都賦披飛廉入苑門 西京賦陳虜於飛廉

漢平樂館 又見上 詳見撫類

武紀元封六年夏京師民觀角抵于上林平樂館

封三羊春龍作角抵賦注文類後蓋雜技樂也 東方朔傳

傳上書北闕詔使賦平樂館上善之賦

董偃常從馳逐平樂館 霍光傳禹山

走馬馳逐平樂館 風后握機武帝令霍光等習於

平樂館 羽獵賦望平樂徑竹下注張安曰平樂館

名晉灼曰在上林甲 西京賦大駕幸平平樂張甲

乙而襲翠被擯珍寶之玩好紛瑰麗以多靡臨迴望

之廣場程角觝之妙戲烏獲扛鼎都盧尋橦薛綜注

平樂館大作樂處也李尤平樂觀賦曰設平樂之顯

觀處金商之維陬 李尤平樂觀銘曰層樓通閣禁

闈洞房選注焚梁照曜朱華飾璫騁武舒秘以示幽

荒又賦曰習禁武以講捷厭不羈之遐鄰彌平原之

博故處金商之維陬大厦累而鱗次承岩堯之翠樓

過洞房之轉闈厯金環之華鋪南切洛濱北陵君山

龜池決滌果林榛榛天馬沛艾鬣尾布分方曲訖設

秘戲連叙逍遙俯仰節以鞞鼓 **張元傳**中平二年

張温以車騎將軍出征涼州元說温曰聞中貴人公

卿已下當出祖道於平樂觀 **水經注**穀水又南逕

平樂觀東 **漢宮殿名**長安有平樂觀

霍光傳北臨昭靈南出承恩注服虔曰皆館名

漢豫童館

見觀類

漢迎風館

文選陸士衡詩置酒迎風館注見西京賦既新作於迎

風增露寒與儲石 武帝因秦林光宮元封二 曹子

建詩迎風高中天汪地理書曰迎風觀在鄴

漢三館 欽賢 翹林 接士 平津客館

類說平津侯 必孫 開東閣營客館以招天下賢士其

外曰欽賢館以待大賢德任毗贊佐理陰陽者處之

次曰翹材館以待大材任九卿將軍二千石者處之

次曰接士館以待國士其有一介之善一方之藝者

居之自李蔡至石慶丞相府客館丘虛而已至公孫

賀劉屈氂時壞以為馬廐車庫奴婢室矣 雜記 西京

公孫弘傳起客館開東閣以延賢人注師古曰閣小

門也東向開之避當門庭而引賓客以別於掾史官

屬。嚴助傳公孫弘至丞相開東閣延賢人與謀議朝覲奏事因言國家便宜上令助等與大臣辨論中外相應以義理之文。鹽鐵論賢良曰公孫丞相兒大夫分祿以養賢卑已以下士葛繹彭侯墮壞其緒毀其客館議堂以為馬廄埽舍。黃圖河間獻王德築日華宮置客館二十餘區以待學士。

漢高陵館

漢武故事上自封禪後夢高祖坐明堂羣臣亦夢想於是祀高祖於明堂以配天遷作高陵館。後漢李尤高安館銘曰魏魏高安明聖是修。焦澆麗館窓闥列周。王莽更名霸館為長存館。

漢長平館

宣紀甘露三年春正月匈奴呼韓邪單于稽侯緡來朝使有司導單于先行就邸長安宿長平上自甘泉宿池陽宮上登長平坂詔單于母謁注如淳曰阪名也在池陽南上原之阪有長平觀去長安五十里師古曰涇水之南原即今所謂睦城阪。元后傳饗飲飛羽校獵上蘭登長平館臨涇水而覽馬注師古曰館在長平阪也。

漢屬玉館

西都賦

見觀類

漢白鶴館

元紀初元三年茂陵白鶴館災詔曰孝武園館

漢射熊館

元紀永光五年冬幸長楊宮射熊館布車騎大獵

楊雄傳上將大誇胡人以多禽獸成紀在元二年冬秋命右

扶風發民入南山西自褒斜東至弘農南畝漢中張

羅罔且采捕熊羆豪猪虎豹抗攬狐兔麋鹿載以檻

車輸長楊射熊館縱禽獸其中令胡人手搏之自取

其獲上親臨觀焉是時農民不得收歛雄從至射熊

館還上長楊賦以風和元云黃圖長楊宮有射

熊館在鰲屋地理志起秦一本元光五年冬幸射熊館

漢上林宮館

相如賦天子之上林云云離宮別館彌山跨谷高廊

四注重坐曲閣華榭壁璫輦道纒屬步欄周流長途

中宿夷巖築堂紫臺增成巖突洞房頰杳眇而無見

仰杪櫟而捫天奔星更於閨闈宛虹拖於楹軒青龍

蚴蟻於東箱象輿宛偉於西清靈囿燕於間館嵬仵

之倫暴於南榮醴泉涌於清室通川過於中庭紀

元帝初元元年九月令宮館希御幸者勿繕治五年

夏四月罷上林宮館希御幸者成帝建始元年秋罷

上林宮館希御幸者二十五所召信臣為少府離遠宮

館希幸御者勿復繕治共張

西都賦西郊則有上囿禁苑林麓

藪澤陂池連平蜀漢繚以周牆四百餘里離宮別館

三十六所神池靈沼往往而在注黃圖上林有建章

承光等十一宮平樂繭觀等二十五凡三十六所

按黃圖又有昆明遠望燕昇象觀便門白鹿三爵陽

祿陰德走馬柘觀上蘭郎池當路等觀又有飛廉觀

建章有駘盪馭娑栢天梁竒寶鼓簧等宮又蒲萄

扶荔宮在上林苑宣曲宮在昆明池西 **東京賦**云

云注三輔故事秦上林苑中作離宮別觀一百四十

六所外戚傳上林有涿沐館陽祿柘館雲林館

王褒傳宣帝令褒與張子僑等並待詔所幸宮館輒

為歌頌

漢內外宮館 三輔宮館 郡國宮館 又

見上

黃圖漢畿內千里並京兆治之內外宮館一百四十

五所班固西都賦前乘秦嶺後越九峻東薄河華西

涉岐雍宮館所歷百有餘區行所朝夕儲不改供秦

離宮三百漢武帝往往修治之又麒麟朱鷄龍 **西**

京賦封畿千里統以京尹郡國宮館百四十五右極
盤屋并卷艷鄠左啓一河華遂至虢土注三輔故事秦
時殿觀百四十五所 郊祀志元鼎五年其冬郡國
各除道繕治宮館以望幸 枚臯傳游觀三輔離宮
館輒使賦之 王訢傳武帝過扶風宮館馳道修治
供張辦 宣紀地節三年冬十月詔郡國宮館勿復
修治

漢繭館

元后傳王莽欲娛太后市權迺令太后四時車駕巡
守四郊春幸繭館率皇后列侯大夫桑遵灞水而被
除注師古曰漢宮閣跡云上林苑有繭觀蠶繭之所
也 洛都賦 傳 桑官繭館區制有矩后帥九嬪躬
勅工女 咸宣傳闡入上林中蠶室門 後禮儀志
注桑于蠶宮手三盆于繭館

漢祕館

賈逵傳明左氏傳國語為之解詁五十一篇永平中
上疏獻之顯宗寫藏祕館 蔡邕傳上書曰臣得以
學問執事祕館操管御前

漢恭館

班固典引啓恭館之金滕御東序之祕寶以流其占

注恭館宗廟金滕之所在

漢南北兩部質館

鮮卑傳安帝永初中鮮卑大人燕荔陽詣闕朝賀鄧太后賜燕荔陽王印綬赤車參駕令止烏亘校尉所居窳城下通胡市築南北兩部質館鮮卑邑落百二十部各遣入質注築館以受降質

魏宗文館

唐六典注魏有崇文館

魏元武館

水經平縣注魏氏起元武館於芒垂張景陽協元武

觀賦所謂高樓特起竦峙岩崑直亭亭以孤立延千里之清飈也藝文類聚有元武館賦

宋招隱館

雷次宗傳元嘉中召詣京邑為築室於鍾山西巖下謂之招隱館齊於剡白石山立太平館以居褚伯玉

宋儒學館

宋書元嘉十五年立儒學館于北郊命雷次宗居之

齊王儉宅學士館總明館詳見類

王儉傳武帝永明三年既立國學者總明觀乙未時

儉以左僕射領國子祭酒詔於儉宅開學士館以總
明四部書充之又詔儉以家為府自宋世祖好文章
士大夫悉以文章相尚無以專經為業者儉少好禮
樂及春秋言論造次必於儒者由是衣冠翕然更尚
儒術撰次朝儀國典自晉以來故事無不諳悉故當
朝理事決斷如流每博議引證八座丞郎無能異者
何佟之為總明館學士六典注宋太始齊永明
有總明館

齊永明五年立商飈館於孫陵岡九月辛卯幸焉

梁立館

音

南史儒林傳梁武天監四年正月詔開五館建立

國學揔以五經教授置五經博士各一人以明山賓

陸璉沈峻嚴植之賀瑒補博士各主一館館有數百

生給其餼粟其射策明經者除為吏於是懷經負笈

者雲會又分遣博士祭酒到州郡立學植之兼五經

館畢至素憲傳帝開五館憲常招諸生論新義大

同八年帝撰孔子正言章句詔下國學乃憲為正言

梁集雅館 士林館

梁書天監五年五月置集雅館以招遠學又見前大

同七年十二月丙辰於宮城西立士林館延集學者

館

皇子 蘇世長上書周武帝使六十學虎門館又
有通道館學士長孫熾為之見學校

唐三館 修文館 史館 見後 集賢殿
書院 見院類

唐武德四年始置修文館隸門下省正觀中三年建
史館於禁中專掌國史開元十三年改集仙殿為集
賢殿書院三館之名肇於此矣自是集賢昭文置大
學士史館置修國史皆宰相兼領又置學士直學士
修撰直館校理之職亦以他官領之其昭文館隸門
下省史館寓於集賢尚未合為一至梁正明中始以

汴都左長慶門東北為三館即所廢四館也於是念
為一矣 百官志弘文館屬門下省集賢書院及史
館屬中書省 永徽元年六月詔三館學士有高第
淳良者所司簡試名聞 會要大中六年正月馬植
奏始著令三館學士不避臺自植始六月弘文館奏
二館制置既同事例宜等 宋建隆初改昭文因唐
故事命宰相兼領三館

李訓傳 祕館 圖籍 蕩然無餘

唐文學館 十八學士圖贊

褚亮傳 武德四年太宗為天策上將軍寇亂稍平乃

向儒術十月於宮城西作文學館收聘賢才於是

教降旨曰昔楚國尊賢道光以申穆澤邦接上德重大行臺司勳郎中杜

如晦記室考功郎中房元齡及于志寧軍諮祭酒蘇

世長天策府記室薛收文學褚亮姚思廉太學博士

陸德明孔穎達主簿李元道天策倉曹參軍李守素

王府記室參軍事虞世南參軍事蔡允恭顏相時著

作郎攝記室許敬宗太學助教蓋文達軍諮典籤蘇

勉並以本官為學士七年收卒復召東虞州錄事參

軍劉孝孫補之凡分三番迎宿閣下悉給珍膳每暇

日訪以政事討論墳籍權畧前載無常禮之間命庫

直閣立本圖像具題名字爵里使亮為之資號十八

學士藏之書府以章得賢之重方是時在選中者天

下所向慕謂之登瀛洲舊書贊曰十八文星連輝

臺畫像十有八人三藝文志閣立本畫秦府十八

學士圖一卷儒學傳太宗身橐鞬風纏露沐然銳

情經術即王府開文學館召名儒十八人為學士與

議天下事既即位殿左置弘文館悉引納學士皆宿

更休聽朝之暇則與討論古今道前王所以成敗或

日晷夜艾未嘗少怠魏王泰傳帝以泰好士善屬

文詔即府置文學館得自引學士

唐修文館 昭文館 弘文館 弘文與崇

文館通 弘文殿四部書 書樓 十八

學士 唐二館 景龍文館記

選舉志凡館二門下省有弘文館生三十人 會要作

人東宮有崇文館生二十人皆羣總麻以上親皇太

后大功以上親宰相及散官一品功臣食實封者京

官職事從三品中書黃門侍郎之子為之試一大經

一小經或二中史記漢書三國志各一或經通六史

及時務策通三皆帖孝經論語十條通六為第

官志弘文館學士 不定數掌詳正圖籍教授生徒朝廷

制度沿革禮儀輕重皆參議焉 注武德四年肱置修

文館於門下省九年 會要三月改曰弘文館 初即位

正觀元年詔京官職事五品以上子嗜書者二十四

人隸館習書出禁中書法以授之 六典注陽詢教示 虞世

法其後又置講經博士 六典注黃門侍郎 王珪奏建

業 漢二 教 年 太 學 助 教 侯 講 經 博 士 考 試 經 業 准 式 貢 舉 史

儀鳳中置詳正學士校理圖籍武德後五品以上曰

學士六品以上曰直學士又有文學直館皆他官領

之武后垂拱後以宰相兼領館務號館主 六典始於給

事中一人判館事神龍元年 九月十日改弘文館曰昭

文館以避孝敬皇帝之名二年曰修文館徐堅兼景

龍二年四明置大學士四人以象四時學士八

人以象八節直學士十二人以象十二時景雲中

三月未減其負數復為昭文館開元七年九月曰

弘文館置校書郎二十三月置四人又有校理讎

校錯誤等官長慶三年七月與詳正學士講經學士皆

罷顯以五品以上曰學士六品以下曰直學士未登

朝為直館學士劉伯莊許子儒元行冲李敬元王

書郎奚陟鄭單直學士上官儀高智周許叔牙魏善樹

生裴行儉徐濟房瑤韓回崔植裴炎脩文生楊仲

詳見下文名會要武德九年九月太宗即位於弘文

殿聚四部羣書二十餘萬卷於殿側置弘文館選天

下賢良文學之士虞世南褚亮姚思廉歐陽詢蔡允

恭蕭德言等以本官兼學士令更宿直引入內殿講

論文義商榷政事或至夜分方罷正觀初令褚遂良

檢校館務號館主因為故事其後有張太素劉禕之

范履冰相次為館主正觀三年移於納義門西九年

又移於門下省南其後移仗大明宮其館亦在門下

省南云云長慶三年二月弘文館奏請造書樓選

舉志太宗即位益崇儒術乃於門下置弘文館儒

學傳太宗即位銳情經術王府開文學館即位殿左

置弘文館宿更休聽朝之間則與討論古今道成
敗或曰吳文文未嘗少怠

通監二年李適傳中宗景龍三年

四月癸亥於修文館置大學士四員學士八員直學

士十二員以象四時八節十二月李嶠宗楚客趙彦

昭韋嗣立為大學士李適劉憲等為學士薛稷馬懷

素等為直學士凡天子宴會遊豫惟宰相及學士得

從奉幸梨園並渭後除則賜細柳圈辟癘夏宴蒲陶

園則賜朱櫻秋登慈恩浮圖獻菊花酒稱壽冬幸新

豐厯白虎觀上驪山賜浴湯池給香粉蘭澤從行給

翔麟馬帝有所感即賦詩學士皆屬和當時人所歆

慕

四日下翰林故事正觀中秘書監虞世南等十八人或

秦府故僚或當時材彥皆以弘文館學士會于禁中

內參謀猷延引講習出侍輿輦入陪宴私十數年間

多至公輔當時號為十八學士弘文館學士褚遂良

館主杜正倫直館馬嘉運歐陽詢朱子奢蓋文達谷

那律蕭德言虞世南褚亮姚思廉蔡允恭趙弘智呂

才謝偃直學士弘文館中有四部書世南為學士與

房元齡對掌太宗令寫列女傳以粧屏風于時世南暗

跡之姚思廉撰蕭德言為學士每開五經必束帶盥

濯焉六典注後漢有東觀魏有崇文館宋元嘉有

元史兩館宋太始至齊永明有總明館梁有士林館
此齊有文林館後周有崇文觀或典校理或司撰著
或兼訓生徒若今弘文館之任也

文館在門下省東

李華含元賦弘文教以開館對

日華之清闕蓋左學之遺制協前王之講德

會要

顯慶四年二月二十八日策問舉人九百人惟李巢
崔行功五人上策令待詔弘文館隨仗供奉開元七
年十二月三日省弘文崇文兩館離校置弘文館校
書四員崇文館校書兩員二十二年二月二十五日
省弘文館校書兩員開元二十六年正月八日詔弘
晉

文崇文生貴胄子孫不專經業自今依令式考試天
寶十四載二月十日弘文生依國子監生例帖試帖
經減半廣德元年七月二十六日敕弘文崇文兩館
生皆以資蔭補所習經業須精熟楷書字體皆正通七
者與出身建中三年十一月敕先補皇宗次宰輔子
孫六年九月敕兩館生選勳賢胄嗣嚴律冒假代之
禁大和七年八月九日敕兩館生試經畢郎官二人
覆試九年十二月弘文生二十四人減四人崇文生
十六人減一人開成三年二月兩軍使狀稱請准大
和元年五月十七日以前敕文官階至三品許用蔭

與子孫補兩館生出身

正元十一年二月公主之子請補兩館生許孟容執奏元

和一年少府監請漢子為兩館生韋實之論奏

權德輿弘文館大學士壁

記太宗敷文德建皇極思與大雅閑達之倫切劇理

道金玉王度盛選重名虞南褚亮而下為學士更直

密侍誕章遠猷講議啓迪景龍初始置大學士多以

宰司處之登閣亡先腴潤大政漢廷金馬石渠蘭臺

延閣方斯陋矣

書曰景龍文館記十卷武平一撰

景龍二年

癸未

詔修文館置大學士學士直學士凡

二十四員得李嶠宗楚客輩每游燕必賦詩廣唱是

書咸紀錄為七卷又別載學士二十九人傳為三卷

四二

三九

後唐同光三年七月改弘文館為崇文館

唐史館 史局

百官志史館修撰四人掌修國史正觀三年移史館

於門下省以他官兼領或位卑有才者亦以直館稱

以宰相泣修撰又於中書省置祕書內省修五代史

開元二十年李林甫以宰相監修國史建議以為中

書切密之地史官記事隸門下省跡遠於是諫議大

夫史館修撰尹愔奏徙于中書省天寶後他官兼史

職者曰史館修撰初入為直館元和六年

會必四年

宰相裴洎建議登朝官領史職者為修撰以官高一

人判館事未登朝官皆直館以準六典大中八年以準此

廢史館直館二員增置修撰四人分掌四季會典云

明奏去云添修撰二員通左史開元初詔史官非舊為四員分修四季之事

供奉者皆隨仗而入位於起居郎舍人之次會要

武德初因隋舊制隸祕書省著作局正觀二年閏十

二月也云二十三年非移史館於門下省北以他官

兼領位卑有材者以直館稱故事以未通宰相監修

撰自是著作局始罷史職又於中書省置祕書內省

修五代史及大明宮初成徙史館於門下省南允祥

端天文祥異薦國朝貢入寇來降變律造曲州縣廢

置孝義旌表注令變改斷獄新議有年及饑水旱蟲

霜風雹地震沝水汎溢諸色封建京諸司長官及刺

史都督都護大總管副總管除授刺史縣令善政異

跡碩學異能高人逸士義夫節婦京諸司長官及刺

史都督都護副大總管已下薨卒公王百官定謚諸

王來朝所由有即報勘史館修入國史開元二十五年

三月一日一作開元二年宰臣李林甫監脩國史以中

書密切之地史官記事隸門下省踈遠於是史官諫

議大夫尹愔遂奏移於中書省北侍中凡官爵廢置

刑政損益授之史官既成復蒞其記注中書令凡制

諸文章獻納以板記事之官永正元年九月監脩國

史宰相韋執誼奏史官修撰皆於私家記錄褒貶之

間恐傷獨見今後望令修撰官各撰日曆凡至月終

即於館中都會詳定是非使寫姓名並不得私家置

本仍請求為常式從之 **李元紘傳**初左庶子吳兢

為史官撰唐書及春秋未成以喪解後上書請畢其

工會要開元十四年七月詔許就集賢院成書張說致仕詔

在家修史開元二十五年會要六月元紘因言國史

記人君善惡王政損益褒貶所係前聖攸重今張說

在家修史吳兢在集賢院撰錄國之大典分散不一

且二宗別置史館禁中所以秘嚴也其會要云所以重

謹勸說以書就館參會撰錄詔可 **于休烈傳**遷太

常少卿兼脩國史會要至德二年六月肅宗曰良史者君

舉必書朕有過失顧卿何如褚遂良于休烈魏著

朱敬則傳遷正諫大夫兼脩國史請高史官選以求

名才長安二年七月韋安石嘆曰史官權重宰相 **劉知幾**

傳史局深籍禁門所以杜顏面防請謁也 **蔣乂傳**

正元九年擢史館脩撰德宗重其職先召見延英乃

命之 **監脩** 正觀房元齡以左僕射 永徽令狐德棻

脩

以禮侍于志寧張行成以侍中高馮以中書令褚
遂良以吏書來濟以中書侍郎

脩史學士 正觀初鄧世隆崔仁師慕容善行劉

顛庾安禮敬播

直國史 李延壽

修撰 蔣乂伸偕韓愈李翱張薦高鉞獨孤郁韋

處厚裴休王彥威

直館 吳兢柳芳沈傳師蔣係韋處厚

韋述任史官二十年蔣乂居史職二十年蔣氏三

世脩史張薦在史館二十年劉子元領國史三十

三十六

三十四卷之二十一

二十一

年

六典中書省史館注周有太史小史內史而諸侯之

國亦置史官漢武置太史命司馬談為之後漢班固

劉珍等著述東觀皆他官兼領史職魏明帝太和中

始置著作郎及佐郎隸中書省專掌國史晉惠帝元

康二年改隸祕書省歷宋齊梁陳後魏並置著作北

齊因之亦謂之史閣史館故邢子才作詩訓魏收冬

夜直史館是也隋曰著作曹隸祕書省正觀初別置

史館於禁中專掌國史史通齊梁置脩史學士梁任

許善心傳緝為撰史學士張正見阮卓為撰史著士
元魏始於祕書置著作局普泰以來別置修史局其

館

職有六人魏命崔浩總監史高隆齊及周隋史官以大臣
統領者謂之監修國史高隆之齊魏收陽休之監國史
統領者謂之監修國史高隆之齊魏收陽休之監國史
統領者謂之監修國史高隆之齊魏收陽休之監國史
統領者謂之監修國史高隆之齊魏收陽休之監國史
統領者謂之監修國史高隆之齊魏收陽休之監國史
統領者謂之監修國史高隆之齊魏收陽休之監國史
統領者謂之監修國史高隆之齊魏收陽休之監國史
統領者謂之監修國史高隆之齊魏收陽休之監國史
統領者謂之監修國史高隆之齊魏收陽休之監國史

史館史通今之史館即古之東觀別置史館通籍

禁門西京則與鸞渚為隣東都則與鳳池相接館宇

華麗酒館豐厚史曹崇扃峻宇深附九重馬融三入

東觀張華再典史官會要長安二年修史劉允濟

言史官善惡必書言成軌範昔班生受金陳壽求米

僕視之如浮雲耳景龍二年四月二十日紀虔訥蕭

至忠等並監修國史史官劉知幾求罷史職奏記於

至忠曰知幾三為史官再入東觀不能勒成國典有

不可者五也古國史出一家唯漢東觀集羣儒著述

無序今史司取士滋多人自為荀爽家自為政駿閣

筆相視含毫不斷首白可期汗青無日言未絕口朝

野咸知筆未栖毫搢紳咸誦孫盛實錄取嫉權門王

劬直書見讎貴族常人之情能無畏乎史官注記類

稟監脩十羊九牧其今難行一國三公適從焉在監

者不肯指授脩者或不遵奉云云知幾著史通二十

卷識又信三史有長才至德二年十一月二十

七日修史官于休烈奏國史一百六卷開元實錄四

十七卷起居注并餘書三千六百八十二卷在興慶

宮史館云云前史官韋述家藏國史一百一十三卷

送官長慶三年六月杜元穎奏班固居鄉里而繼成

漢書陳壽處私家而專精國志元宗國史張說在本

鎮兼修代宗編年令狐自外郡奏上今史官修憲宗

實錄望勒沈傳師就湖南修畢送史館與諸史官參

詳聞奏大和六年七月史館修撰王彦威等四人並

命勅漢公蘇滌裴休天祐元年十月十二日高

虔魯進史館亡書三百六十卷二年五月二十九日

以修撰職卑翰林學士張榮充兼修國史紀開元

五年十月甲申命史官月奏所行事舊紀長慶二

年閏十月己亥敕翰林侍講學士路隨韋處厚兼史

館脩撰憲宗實錄仍更曰入史館韓愈論史曰據事

跡實錄則善惡自見李華含元殿賦延載筆之良

史俯月華之峻靡崇文目史館故事錄三十卷

唐崇文館 崇賢館

太宗正觀十三年東宮置崇文館選舉志崇文館

生二十人以皇族總麻以上親皇太后皇后大功以

上親宰相及散官一品功臣身食實封者京官職事

從三品中書黃門侍郎之子為之唐制凡館二門下

省有弘文館生三十人東宮則有崇文館開元七年

令二館學士季一朝參百官志東宮官崇文館學

士二人掌經籍圖書教授諸生課試舉送如弘文館

校書郎二人盧元輔于掌校理圖籍注正觀十三年

置崇賢館顯慶元年置學生二十人增要云三月

請置學士上元二年七月二日避太子名改曰崇文館有

學士直學士無常員無其人則庶子領館事開元七

年十二月改讎校曰校書郎兩員乾元初以宰相為

學士總館事隸左春坊會要云正元八年四月

當一列傳李敬元高宗在東宮入崇賢館侍讀假中

祕書讀之後撰次禮論馬嘉運高宗在東宮引為

崇賢館學士侍講宮中杜正倫為崇賢館學士典

機密以辨治稱張士衡因張士衡蓋文達劉伯莊

秦景通暉親李延壽王元感胡楚賓路敬淳劉子元

為崇賢館學士李善來濟為崇賢館直學士楊

炯賀紀賀啟徐齊聃徐堅為崇文館學士常來拜

弘文崇文館大學士李泌加崇文館大學士辭

許孟容拜禮部郎公主子求補崇文生孟容不可帝

問狀以著令對

兩京記東宮宜春門外有左春坊

坊南有崇賢館明皇居東宮館中起書閣重複以著典籍

會要永隆二年二月六日皇太子行釋奠禮

舉上表請博延耆碩英髦之士為崇文館學士許之於是薛元超表薦鄭祖元鄧元挺楊炯崔融等並為

崇文館學士

魏明帝選善屬文老為崇文館學士魏後周有崇

文觀東宮學士梁沈文阿為東宮學士徐陵庾信

為抄撰學士敕舒唐賀德仁蕭德言為東宮學士隋

褚亮李百藥為之

唐別館

太宗於後苑作別館貯儒釋道書數千萬萬

設琴樂爐常引諸王宗室觀之

唐桂坊館

百官志龍朔三年二月置太子左右諭德及桂坊大

夫改司經局為桂坊館崇賢館罷隸左春坊

唐司成館

百官志國子監高宗龍朔二年改國子監曰司成館

祭酒為大司成司業為小司成是後又於東都置國

子監

唐內文學館 習執館

百官志宮教博士二人舊十人初內文學館隸中書省以儒學者一人為學士掌教官人武后如意元年改曰習執館又改曰萬林內教坊尋復舊開元末館廢隸內侍省中官為之傳魏王泰即府開文學館自引學士蘇安藏劉光謙為習執館內教宋之問楊炯武后召分直習執館宋若昭父廷芬德宗擢為習執館內教

唐四方館

姚崇傳帝躬萬機朝夕詢逮崇第賒僻因近舍客廬

四月二

三

一

三

崇病移舍凡大政事帝必令源乾曜就諮焉帝欲崇自近詔徙寓四方館開元四年十月癸卯日遣問飲食志居崇以館局華大不敢居帝曰恨不處禁中此何避本

云上也曰設四方館為官吏也使卿居之為社稷也

六典注隋於建國門外

置四方館隸鴻臚寺以待四方使客各掌其方國及互市等皇朝以隸中書省會要以通事舍人判置客省德宗於右銀臺門置客省

之宗罷舊紀文宗大和二年六月癸亥四方館請賜

印以中書省四方館為文宋朝淳化四年始置四方館使列于內職見下

唐鴻臚客館

館

韋述兩京新記西京承天門從東第一鴻臚寺次鴻臚客館注如漢之藁街四夷慕化朝獻者居焉漢書蠻夷邸注若今鴻臚客館

唐臨臯館

李固言傳為西川節度詔雲韶雅樂即臨臯館送之

唐崇元館

選舉志開元二十九年百官志會要始置崇元學習

老莊文列子亦曰道舉百官志天寶二年正月十日

改崇元學曰崇元館置學士大學士改天下崇元學

為通道學會要開元二十九年正月三日於混元

皇帝廟

置崇元博士一員天寶二年二月四日以陳

希烈為崇元館學士十二日敕兩京混元宮及道院

等並隸崇元館學士

周武帝崇尚道法求學兼經史者為通道館學士長

孫熾應選

唐廣文館

百官志廣文館屬國子監博士四人助教二人掌領國子

學生業進士者有學生六十人東都十人天寶九載

置廣文館有知進士助教後罷知進士之名會要

天寶九載七月十三日置廣文館領國子監業進士

館

者博士助教各一人

舊紀七月己亥國子監置廣文館

於國

鄭虔傳元宗愛虔之材欲置左右以不事

更置廣文館以虔為博士虔開命不知廣文曹司何

在訴宰相宰相曰上增國學置廣文館以居賢者令

後世言廣文博士自君始亦不美乎虔乃就職品秩

同大學久之兩壞廡舍有司不復修完寓治國子館

自是遂廢集賢注記天寶十三載八月楊冲某母

宋朝史館

國初復舊制修撰直館分季纂日曆其後止修撰

館撰次太平興國中直史館趙隣幾呂蒙正范杲皆

與修撰淳化四年修國史宋湜亦脩日曆十二月太

宗問宰相館中修撰為誰參政臣易簡對以楊徽之

張佖梁周翰上曰史才甚難善惡必書斯為良史祥

符二年十一月詔史館置楷書二人寫日曆初史館

修書皆無定所乾興元年五月仁宗詔修先朝日曆

乙酉請於宣徽院修纂十月選館閣官二員為編脩

官王舉正從判館李維修撰宋綬之言也維等言脩

皇祐三年三月四日詔知亳州宋祁授集賢殿脩撰

就任刊定新編唐書故事史館修撰嘉祐四年九月

修撰歐陽脩言正史進入禁中而焚其草史院唯守

空司而已。乞詔龍圖閣別寫一本下編修院以備討閱。從之。熙寧二年十月九日，修撰司馬光請寫仁英實錄留本院。元祐五年十一月十三日，尚書省言舊置編修院專掌國史。元豐四年十一月，廢院入史館。官制行史館歸著作局國史院有故則置乾德初，首以趙普監修國史。

開寶後，命中書樞密書時政記。淳化中，置起居院。興國三年二月，以新修三館為崇文院。西廡為史館書庫。三年十二月，以王著為史館祗候，俾刊正切韻。八年七月，吳鉉為史館勘書。八月，楊文舉為史館編脩。雍熙四年四月，宋災為史館校勘。編修淳化二年。

十月，郭延澤董元亨為史館檢討。至和二年八月十四日，史官言修日曆有檢討官。詔韓維為史館檢討。嘉祐八年七月二十三日，又命呂夏卿兼政和八年四月二十九日，工部員外郎滕康請祕閣四部書以秘書郎掌之。列史館于左，以法東觀從之。

建隆昭文館 太平興國三館 四館

三館之名起於唐。修文武德史館正觀集賢開元梁正明中，以左長慶門右掖門內東北小屋數十楹為三館。

秋監庫陋，衛士喧雜，書繞數櫃。每受詔有撰述，徒就他所。建隆元年二月，改弘文館為昭文館。太宗興

國二年臨幸舊館顧左右曰若此之陋何以待天下

賢俊詔有司度左升龍門東北車府地為三館棟宇

之制皆帝親授左掖門內左升龍門外前列三年二

月丙辰朔功畢實錄云於乾元殿東創修三館分內

府書詔以三館新脩書院為崇文院通畧庚辰詔車駕再

臨視軒轅壯麗冠內廷遷西館書分於兩廡東廡

為昭文書庫南為集賢西為史館書庫凡四庫分經

史子集四部六庫書皆以類相從先是但有直史館

淳化元年八月二十五日丁卯以呂祐之等四人直

昭文館二十六日戊辰和嶠直集賢院備三館之職

祥符八年四月宮城延燔上以內廷火禁嚴寓宿非

便命翰學陳彭年檢討故事五月壬辰彭年言唐制

中書門下兩省宮城內有內省城外有外省今請為

內外院內院奉安太宗聖容御書天文圖書四廡為

書庫史館日曆等庫於右掖門外道北為外院別置

三館書庫館閣官宿直於外院從之天禧元年八月

丁亥詔崇文外院以三館為額天聖九年上以通近

市置非多士討論之所直集賢院謝絳言唐麗正史

局並在大明華清宮內太宗肇修三館更立秘閣于

昇龍門左景德中圖書寢廣益以內帑西庫四年五月

分內藏西庫
地廣秘閣

二聖數幸焉。迺宿者有不時之召。人人

力道術究藝文名臣。由此選往。遭延燔。別於外館。陛

下未嘗迂翠蓋。幸冊府。宜開內館。以恢景德之制。從

之。十一月辛巳。徙三館于崇文院。先是權寓右掖
門外。至是修崇

文院成。命還舊所。昭文大學士夷簡表謝。
改為秘書省。政和五年遷秘書省於新左藏庫。

昭文集賢。有大學士。史館有監脩國史。皆以宰相兼

領。昭文集賢置學士。直學士。史館集賢置修撰。史館

有直館。檢討。集賢有直院校理。崇文有檢討。校書。皆

以他官領之。初昭文隸門下省。史館寓於集賢。後合

為一。咸平五年七月庚戌。幸三館。閱四庫書。嘉祐

四百六

四年二月置館閣。編定書籍官。九月以內藏西庫地

還崇文院。熙寧四年十月二十九日。宋敏求言。三館

秘閣各有四部書。幾四萬卷。每帙止用元馬本。一再

校。更無兼本。類多訛舛。欲於藏書之家。借本繕寫。參

定。七年置補寫所。元祐四年五月。秘書省言。崇文總

目書籍。將四館分書。併合著錄。今以黃紙書一本。藏

秘閣。自嘉祐中。編校所寫書。未能足數。欲添補。依崇

文總目。編次。內有唐朝舊書。乞別藏秘閣。五年九月

十六日。復置集賢院學士。六年八月十六日。以命李

日詔內外官許帶集賢殿修撰直院校理之職。紹聖
二年四月二日詔易集賢學士為集賢殿修撰直院

為直日詔集賢校理無此名改為右文殿修撰四月

元豐元年十二月七日秘閣校理蘇杭言四館書籍因置編校所借書校證云云欲不許帶出從之通

嘉祐四年右正言吳及請擇館職分枝四館書二月丁丑命蔡抗陳襄蘇頌陳繹編定四館書籍遂用

黃紙寫正本以防蠹敗六年九月丁巳翰林學士王珪判史館馮京判昭文館又置編校四員云置十

一月辛未以編校祕閣書籍孫洙為館閣校勘供職二年

兩制缺人必取於館閣名卿賢相多出此途進經術輔

十卷試而後除則慶曆三年十一月癸未也輔臣舉二十人先召試十人則治平三年十一月丙辰也輔

臣各舉文學政事三人則元祐元年四月辛丑也圖書之府著作之庭與夫校文之處三者各有司存譬

之蓬瀛方壺鼎峙瀛海臺觀金玉鄰居往來而均為道家山焉舊制館閣取人以三路進士高制館閣取人以三路進士

書目史館故事錄三卷纂輯歷代史官建置史筆之體卷末云廣順末當是周史臣撰又館閣錄十一卷秘閣

校理宋匪躬載興國訖元祐中館閣故事共八門元十五卷今存十一卷又蓬山志五卷崇寧四年祕書

少監羅時撰編次館閣故實近事為十五門上之
麟臺故事五卷紹興元年祕書少監程俱撰時復置
祕書省俱采摭三館舊聞及法令因革別為十二門
上之續史館故事錄一卷著作佐郎洪興祖編次
開寶訖建炎中史館職任廢置恩賜事迹續周代
中興館閣錄十卷淳熙中祕書監陳騏載建炎以來
三館沿革故實及官職廩祿職掌等事以補麟臺故
事之缺續錄十卷

葉夢得曰端拱中始分三館書萬餘卷別為祕閣命
李至兼祕書監宋泌兼直閣杜鎬兼校理三館與祕
閣始合為一故謂之館閣然皆但有書庫而已元豐
官制行改為祕書省李燾曰本朝因唐故事命宰
輔兼領三館首相曰昭文館大學士次曰監脩國史
又次曰集賢院大學士或虛相位則命參政權領監
脩自景德二年王旦始昭文大學士熙寧九年王安
石罷遂不復除集賢大學士元豐三年王珪遷亦不
復除惟監脩國史相傳至今自王珪後宰相皆不入
銜監脩之名廢于元豐而復于紹興

淳化四方館

四年始置四方館使列于內職吏屬同在京官府

四方館在朝堂門外掌通事分番供奉宣贊之名籍諸道章表朝會進奉。

元祐廣文館

太平興國三年九月詔廣文館及州府禮部試進士律賦以平側次用韻元祐七年六月十三日甲子復置廣文館生員一云解額都省言開封科舉有四方士及太學未及年者冒貢應舉舊制試于國子監先於廣文館補試給條紹聖二年三月二十八日以廣文館二百四十人分於諸路解額

紹興史館

元年四月八日詔修日曆以修日曆所為名元禮之制日曆歸祕省國史

王洙考百之三

三三三

三年十一月十六日以修國史日曆所為名四年五月二十四日癸酉改為史館六月二十四日置編脩校勘八年八月二十一日以重修神宗哲宗實錄正史及徽宗實錄增校勘一員十年二月二十二日併歸祕省國史案以著作郎佐纂日曆其史館官皆罷見修淵聖及今上以曆命宰臣提舉名監修四月復為國史日曆所從王揚史館在省之東九年二月二十二日脩徽錄即以為實錄院十三年十二月重建祕省十四年六月二十二日遷新省二十九年八月二十四日詔史館修撰檢討官更不置都大提舉承

受並罷。先是三年八月二十三日詔修日曆命侍從為史館修撰餘官為直史館及檢討若著作郎佐闕用元豐制以郎官兼領六年正月修神宗實錄成八年九月哲錄成十年七月十四日又詔史館修徽錄十五年移史館於省之側別為一所。今國史日曆所在道山堂東次著作之庭三楹庭後為汗青軒蓬壺嘉定六年六月十八日重修三館八年七月畢紹定四年秋延熿十一月一日重建三館五年十月畢工規模一如舊式。繫年錄紹興三年八月乙巳詔復置史館以從官兼修撰餘官兼直館檢討若著作郎佐有闕依元豐例差郎官兼除修撰官也。

歷代館名

前漢

迎風

寒露

諸胥

飛廉

平樂

臨池

後魏

仙人

露寒

金陵

燕然

扶桑

崦嵫

唐

修文

三十六國

來賓

六朝

儲胥

顯仁

集雅

顯信

職方

行人

來遠

北齊

文林

刊臺新錄所載

金庭

紫微

玉海卷第一日六十五

金庭

紫微

刊臺新錄所載

文林

北齊

儲胥

顯仁

集雅

顯信

職方

行人

來遠

六朝

來賓

